

(ابوالريش)

ضمير معدشى
 معدشى مافيش
 كذب ورشوة
 فوضى وتطنيش
 صوت عالي
 عدل مايديش
 مسنود ومحمى
 وصير مافيش
 مرة ضرب
 وساعه تهميش
 ويجى مسؤل
 كده او ميغيش
 وحتى ان جه
 شويه حرافيش
 ع الغلبان
 ضغط وتفتيش
 ع المليان
 قنطار تعريش
 فى حاجه ياناس
 ياباشامافيش
 كله تمام
 ياباشا تعيش
 فين التسيب
 ده مايديش
 طب فين الفوضى
 لا متقوليش

كله ملايكة
عشت تعيش
ناس زعلانه
بياكلوم عيش
لقمه عيش
على جنبه قريش
ناس غرقانه
فى بلح وياميش
ناس سهرانه
بتنام فى الهيش
اطفال شقيانه
على لقمه عيش
نجحوا ازاي
فوضى وتطنيش
سبويه او غش
كارته وتدليس
غياب كتير
وفصل مافيش
من سنين
والوضع حسيش
فين العيال
قول و متحكيش
راحوا فين
قاعدين فى النيش
بالذمه ده ايه
وده اسمه كلام
عصابه مربوطه بلجام
الصدق صبح
فى خبر كان
اللى يقول

الحق مهان
واللى يغش
الناس دفيان
لاويقولوا
جنتل مان
ياخسارة
ياحقوق الانسان
اللى انا مفرقشى معاه
مش فارق هوه معايا
هبعد خالص وانساه
وهشيله من جوايا
ادامك وش بيضحك
ووراك بيعك ويغلط
مش فارقه العشرة معاه
ولقمه اكلتها وياه
معرفته زى عدمها
وهجرته لاجل انساه
بقلم محمد عباس معلم الاسماعيليه